

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 26/10/ 2025

CHHAT PUJA

ཉིན་ལོ་ སློན་ལམ་ དང་ རང་བཞིན་ མཐའ་སྐྱོར་ ལོ་ བྱུང་ཆེན་ གི་ གཏག་ན་ སྤང་ཅིང་ བྱས་མཁན་ Chhat དུས་ཆེན་ རྒྱ་གར་ གི་ གཙོ་བོ་ ཆོས་ལུག་ དང་ རིགས་གཞུང་ དུས་ཆེན་ ཅུ་ བླ་ལས་ ཅིག་ ཡིན། དུས་ཆེན་ ན་ རྒྱབ་ ཐོབ་པོ་ ཅུ་ གི་ སྤྱིང་ དང་ རྒྱུ་ཆོད་ ན་ རྒྱུ་ཤད་ རྒྱབ་ཏི་ ཤར་ཞན་ ཡོད་མཁན་ དང་ རུབ་ ཞན་ ཡོད་ མཁན་ ཉིན་ལོ་ སློན་ལམ་ Puja བྱས་ཐྱོ་ སྤང། ད་རིང་ Chhat Puja གི་ ཉིན་ ༢ པོ་ Kharna ཡིན་པོ་ སྤང། Chhat དུས་ཆེན་ ནི་ རོ་ཆོང་ གི་ དགའ་ཀྱ་ སྤྱིང་ཀྱ་ འཕྲོད་བཞེན་ ལེདམ་ དང་ བུན་སུམ་ ཆོ་ཏ་པའི་ གསོལ་བ་ བཏབ་ཤད་ ལུག་སལ་ ཡོད། དུས་སྐབས་ འདི་ ན་ སྲིད་འཛིན་ Droupadi Murmu དང་ སྲིད་སློན་ Narendra Modi གིས་ རྒྱལ་ཁབ་ མི་སར་ ལོ་ དགའ་ཀྱ་ སློན་ལམ་ བུལ་བོ་ ཡིན། སྲིད་འཛིན་ Murmu གིས་ རང་གི་ དགའ་ཀྱ་ སློན་ལམ་ ན་ གསུང་ ཡོད་ - Chhat Puja ན་ རྒྱབ་ཐོབ་པོ་ ཅུ་ གི་ ཉི་མའི་ ལྷ་ གི་ ཆོ་ཏ་པ་ དང་ སློན་ལམ་ བུལ་ཐྱོ་ རང་བཞིན་ མཐའ་སྐྱོར་ལོ་ བྱུང་ཆེ་ འབྲན་པོ་ ཡིན། ཁོང་ གི་ གསུང་པོ་ ཡིན་ - དུས་ཆེན་ འདི་ གི་ གཙང་ཀྱ་ དང་ མཐའ་སྐྱོར་ སྤང་སྤྱོད་ གི་ ལོན་ བུལ་ཤད་ ཡིན་ དང་ རོ་ཆོང་ གི་ དགའ་ཀྱ་ བུན་སུམ་ གི་ གསོལ་བ་ སློན་ལམ་ བཏབ་ཤད་ དུས་སྐབས་ ཡིན། སྲིད་འཛིན་ Murmu གི་ མི་སར་ ཐམས་ཅད་ གི་ དགའ་ཀྱ་ སྤྱིང་ཀྱ་ དང་ བུན་སུམ་ ཆོ་ཏ་པའི་ སློན་ལམ་ གཏང་པོ་ ཡིན། དེ་རང་ བྱས་ སྲིད་སློན་ Narendra Modi གི་ ཡང་ Chhat དུས་ཆེན་ གི་ ད་རིང་ ཉིན་ ༢ པོ་ སྤང་ཅིང་ བྱས་མཁན་ རྒྱལ་ཆེན་ དུས་སྐབས་ “Kharna Puja” གི་ དུས་སྐབས་ ན་ རྒྱལ་ཁབ་ མི་སར་ ལོ་ དགའ་ཀྱ་ སློན་ལམ་ བུལ་བོ་ ཡིན། Social Media ན་ ལོན་ བུལ་བཞིན་ སྲིད་སློན་ གི་ དུས་ཆེན་ འདི་ དེ་པོ་ ཆོས་ལུག་ དང་ སློན་ལམ་ གི་ གཏག་ ཡིན་པོ་ གསུང་ ཡོད།

MIZORAM GOVERNOR

Mizoram གི་ སྲིད་སྡུང་ General V.K Singh སང་གི་ ཉིན་ ༡ གི་ གཞུང་འབྲེལ་ འབྲས་ལྗོངས་ གཞིཊ་སྐོར་ ཟུང་ཏི་ ད་རིང་ Burtuk Helipad ལས་ ལོག་ ཕྱོན་བོ་ ཡིན། འབྲས་ལྗོངས་ གི་ སྲིད་སྡུང་ Om Prakash Mathur ཡང་ ཁོང་ལོ་ Bagdogra གནམ་སྐྱ་ ཐོང་ར་ སང་ཏོ་ གེལ་བོ་ ཕྱོན་བོ་ ཡིན། འདི་ ཟུན་ལས་ རྩོམ་པའི་ Mizoram གི་ སྲིད་སྡུང་ General Singh གི་ འབྲས་ལྗོངས་ གི་ སྲིད་སྡུང་ Mathur བཀའ་ཆེ་ སྐང་ཏོག་ ན་ ཡོད་མཁན་ དཔལ་འབྱུར་ ཆེད་ཐང་ ན་ བཞག་མཁན་ Sikkim Soldierthon 2.0 མངའ་སྡེ་ གྲས་ Marathon ལས་རིམ་ ན་ ཐུང་འགན་ ལེན་བོ་ ཡིན།

SOLDIERTHON 2.0

ད་རིང་ སྐང་ཏོག་ གི་ དཔལ་འབྱུར་ ཆེད་ཐང་ ན་ Soldierthon 2.0 the great Himalayan Connect མངའ་སྡེ་ གྲས་ Marathon ཐོན་བོ་ ཡིན། ལས་རིམ་ འདི་ Raj Bhawan འབྲས་ལྗོངས་ གི་ རྩུ་རམ་ དང་ རྒྱ་གར་ དམག་མི་ གི་ Trishakti Corps རོན་བཞིན་ Black Cat Division གི་ ཅིག་མཐུན་ ན་ བཞག་གོ་ ཡིན། Marathon འདིའི་ རོན་ཆེན་ འདི་ དམག་མི་ དང་ མི་སར་ ཟ෍་ཆོཊ་ བར་ གི་ མཐུན་ལམ་ ལེདམ་ བཟོ་ཤད་ འཕྲོད་བསྟེན་ ལེདམ་ གི་ ཤེས་ཡོན་ སད་ཤད་ དང་ རྒྱལ་ཁབ་ ཅིག་མཐུན་ བསམ་སྒོ་ འདི་ ལོ་ གྲིང་གྲིང་ བཟོ་ཤད་ རོན་ལས་ ཡིན། དུས་སྐབས་ འདི་ ན་ འབྲས་ལྗོངས་ གི་ སྲིད་སྡུང་ Om Prakash Mathur དང་ Mizoram གི་ སྲིད་སྡུང་ General V.K Singh རྒྱལ་ཆེན་ ཐོན་སྡེ་ ཐུང་འགན་ ལེན་བཞིན་ བྱང་ལེན་ མཁན་ ཚུ་པོ་ བེམས་ཤུང་ ཐུལ་བོ་ ཡིན། Mizoram གི་ སྲིད་སྡུང་ གི་ བདོན་སྡུར་བོ་ ཚུ་ ལོ་ ལྷངས་ཁུ་ དར་ཚོག་ ཡུག་ཏི་ Marathon གི་ འགོ་ཕྱི་ གནང་བོ་ ཡིན། རྒྱལ་ཁབ་ གི་ ཞ་ག་ མན་འདྲ་བོ་ ལས་ ཕྱོན་མཁན་ སྒྲིང་ཕྱག་ ༡ བེམ་ མི་སར་ བྱང་ལེན་ ཚུ་ ན་ ཡོན་ལག་ ལེདམ་ མེད་མཁན་ ཚུ་ གི་ བྱང་ལེན་ ཟ෍་ ཡོང་དོམ་ ཟ෍་ཆོཊ་ གི་ བསམ་སྒོ་ སར་ཁྱ་ བྱས་ ཏོན་བོ་ ཡིན། སྲིད་སྡུང་ གི་ ད་ཟུཊ་ འདི་ ལོ་ མངའ་སྡེ་ གི་ གཞན་བོ་ ཚུའི་ ཡུག་ ལོ་ བེམས་ཤུང་ ཐོབ་ཤད་ དམག་མི་ མི་སར་ མཐུན་ལམ་ གྲིང་གྲིང་ བཟོ་ཤད་ དང་ ཟ෍་ཆོཊ་ ཐུང་བསམ་ ཟུཊ་ ན་ དཔར་བྱད་ ཆོཊ་པོ་ ལབ་ཏི་ ཏི་རོ་ ཟུབ་པོ་ ཡིན། ཁོང་ གི་ བདོན་སྡུར་ བཞག་མཁན་ ཆོཊ་པོ་ དམག་མི་ འགོ་བཟོད་ ཚུ་ བྱང་ལེན་ མཁན་ ཚུ་

དང་ ཐམས་ཅད་ རྟོ་རམ་ ལས་ཁུངས་ ཅུ་ ལོ་ འོན་ཕྱིན་ ཆེན་པོ་ བྱས་ ལས་རིམ་ བཞག་ཀའི་
དོན་ལས་ དགའ་ལྷན་ དང་ སྤྱོད་ཆེ་ འབྲན་པོ་ ཡིན།

REAL GOLD CUP FOOTBALL

ཐེངས་ ༡༥ པོ་ L.D Kazi Memorial Gold Cup Football བདོན་སྤྱོད་ འདི་ འོང་མཁན་
Oct ཆེས་ ༣༠ ལས་ Nov ཆེས་ ༡ སང་ཉི་ བཞག་ཤད་ ཐོན་ ཡོད། ལོ་ ༢༠༠༥ ལས་ འགོ་བཙུག་
མཁན་ བདོན་སྤྱོད་ འདི་ ༢༠༡༥ གི་ Corona རད་ཉམ་ རྒྱབ་ལས་ ཆེད་ བཞག་ ཡོད་པོ་ སྤྱད་ ལབ་
ན་ ལོ་ འདི་ ལས་ ལོག་ཏེ་ རང་ བདོན་སྤྱོད་ འདི་ འགོ་བཙུག་ ཤད་ ལབ་ཏེ་ ད་ལྟོ་ ཆོ་པོ་ གི་
ལོན་ ཕུལ་ ཡོད། བདོན་སྤྱོད་ བཞག་མཁན་ ཆོ་པོ་ གི་ ད་རིང་ སྤང་ཏོག་ ན་ བཞག་མཁན་
གསར་ཤོག་ ཀོ་ ཆོ་པོ་བསྟུ་ ན་ ལོན་ ཕུལ་པོ་ དོན་བཞིན་ Oct ཆེས་ ༣༠ ལས་ Nov ཆེས་ ༡ སང་ཉི་
གསོ་རིང་ རྫོང་ཁའི་ Chakung ཆེད་ཐང་ ན་ བཞག་མཁན་ Knockout Football བདོན་སྤྱོད་
ན་ བལ་ཡུལ་ གྱི་ ཆོ་པོ་ ༢ དང་ འབྲས་ལྗོངས་ ལས་ ༡ ཐམ་བ་ ཆོ་པོ་ མཉམ་ཆེ་ གེམ་ཏེ་ ༡༥
ཐམ་བ་ ཆོ་པོ་ ཅུ་ གི་ བདོན་སྤྱོད་ འདི་ ན་ ཁུང་ལེན་ ཤད་ སྤྱད། འབྲས་ལྗོངས་ གྱི་ དང་པོ་ གཙོ་སྤྱི་
སྟོན་པོ་ L.D Kazi གི་ དོན་སོ་ ན་ བཞག་མཁན་ Gold Cup Football Tournament
རྒྱལ་མཁན་ ཆོ་པོ་ གི་ དུལ་ འབུམ་ ༡༠ དང་ གོ་གནས་ གཉིས་པོ་ ཆོ་པོ་ གི་ འབུམ་ ༥
སོད་རད་ དུལ་ ཐོབ་ཤད་ ཡིན། Gold Cup Football Tournament གི་ སྐབས་ ན་ བདོན་སྤྱོད་
བཞག་མཁན་ ཆོ་པོ་ གི་ Chakung Run མིང་ ཡོད་མཁན་ Marathon འདི་ Nov ཆེས་ ༤ ན་
བཞག་ཤད་ ལོན་ བྱིན་ ཡོད།